



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola II. Gregorii Papae I. Ad Ivstinvm Praetorem Siciliae. Redarguit eum
ob frumenta non ex integro transmissa.

urn:nbn:de:hbz:466:1-15221

Illud quoque fieri debere perspeximus, vt semel per annum ad Syracusanam, siue Catanensiu ciuitatem, vniuersaliter honore, quo dignum est, sicut eidem iussimus, fraternitas vestra conueniat: quatenus quæ ad vtilitatem ipsius provincie ecclesiarumque pertinent, siue ad necessitatem pauperum oppressorumque subleuandam, siue ad monitionem omnium atque correctionem eorum, quorum excessus contigerit demonstrari, congrua cum eodem Petro subdiacono sedis nostræ debeatis moderatione disponere. A quo Concilio procul absint odia, facinorum nutrimenta, atque inuidia interna tabescat, & nimis execrabilis animorum discordia. Sacerdotes suos concordia Deo placita & caritas recognoscat. Hæc igitur omnia cum ea maturitate ac tranquillitate gerite, vt dignissime episcopale possit Concilium nuncupari.

EPISTOLA II.

GREGORII PAPÆ I.

AD IVSTINVM PRÆTOREM SICILIÆ.

Redarguit eum ob frumenta non ex integro transmissa.

Gregorius Iustino prætori Siciliae.

QUOD lingua loquitur, attestatur conscientia: quia dudum vos & nullius dignitatis occupationibus implicitos multum dilexi, multumq; veneratus sum. Ipsa namque incessus vestri modestia quibusdam conatibus exigebat, vt diligere & venerari etiam a nolente debuisset. Et cum vos venissetis ad administrandam præturam Siciliae audiui, valde gauisus sum. Et quia quamdam inter vos atque ecclesiasticos simulationem subrepere comperi, vehementissime contristatus sum. Nunc vero quia & vos administrationis cura, & me studium huius regiminis occupat, intantum vos recte diligere specialiter possumus, inquantum generalitati minime nocemus. Vnde per omnipotentem Dominum rogo, in cuius tremendo iudicio nostrorum actuum posituri rationes sumus, vt eius respectum semper gloria vestra ante oculos habeat, & nunquam quodlibet, ex quo inter vos vel parua dissensio proueniat, admittat. Nulla vos lucra ad iniusti-

tiam pertrahant, nullius vel minæ vel amicitiae ab itineris rectitudine deflectant. Quam sit vita brevis, aspici-
 ad quem quandoque ituri estis iudicem, qui iudiciariam
 potestatem geritis, cogitate. Solerter ergo intuendum est,
 quod cuncta lucra hic relinquimus, & solas dispendioso-
 rum lucrorum causas nobiscum ad iudicium deportamus.
 Illa ergo sunt nobis commoda quærenda, quæ nequa-
 quam mors adimat, sed mansura in perpetuum præsentis
 vitæ finis ostendat. De frumentis autem quæ scribitis, lon-
 ge aliter vir magnificus * Ciridanus asserit: quia solummo-
 do tanta transmissa sunt, quæ pro transactæ indictionis de-
 bito ad replendum sitonicum sufficerent. De qua re cu-
 ram gerite: quia si quid minus huc transmittitur, non vnus
 quilibet homo, sed cunctus simul populus trucidatur. Ad
 regendum vero Siciliae patrimonium, talem, vt æstimo,
 virum, Deo auctore transmissi, cum quo vobis, si, vt ego ex-
 pertus sum, recta diligitis, omnino conueniat. Quod autem
 me vt vestri memor esse debeam admonetis, verum fateor, si
 ex antiqui hostis insidiis iniustitia nulla subrepat, tantam
 gloriæ tuæ modestiam didici, vt esse non tuus erubescam.

EPISTOLA III.

GREGORII PAPÆ I.

AD PAVLVM SCHOLASTICVM.

Maurentium magistrum militum, & Petrum subdiaco-
 num commendat.

Gregorius Paulo scholastico.

QUIDQVID mihi ex honore sacerdotalis officii extranei
 arri-
 det, non valde penso: de vobis autem mihi hac ex
 re arridentibus non minimum doleo, qui desiderium meum
 plenissime scitis, & tamen profecisse me creditis. Summus
 enim mihi profectus fuerat, si potuissem implere quod vo-
 lui: si voluntatem meam, quam dudum cognitam habetis,
 perficere optatæ quietis perceptione valuissim. At quia
 nunc in ciuitate teneor Romana, honoris huius vinculis
 religatus, habeo aliquid quod etiam vestræ gloriæ exultem.
 Et quia viro excellentissimo domno Leone exconsule ve-
 niente, vos in Sicilia remanere non suspicor: & cum ipse

Concil. Tom. 13.

X ij

De pontifi-
 catu recu-
 sando infra
 hoc libro
 epist. 4. 5. 6.
 7. 24. & 25.